

南方政府公報

第一輯

南方政府公報

第一輯

中華民國九年十二月四號

星期六

光字第一號

軍政府公報

軍政府總務廳印鑄科發行

軍功公報

中華民國十八年十二月八日

第...

...

命令

中華民國九年十一月一日軍政府命令

中華民國九年十一月四日軍政府命令

中華民國九年十一月二十九日軍政府命令

中華民國九年十二月一日軍政府命令

布告

四總裁第一次宣言

四總裁第二次宣言

四總裁第三次宣言

四總裁第四次宣言

四總裁第五次宣言

中華民國九年十二月一日軍政府布告

中華民國九年十二月三日軍政府布告

通告

軍政府通告重開政務會議繼續執行職務電

公電

林永謨呈報就繼隊司令就職電

廖廣東財政廳長呈報就職電

鄒魯辭廣東政務廳長職電

唐伍兩總裁覆林總司令永謨電

命令

軍政府令

廣東督軍缺着卽就撤此令



中華民國九年十一月

一日

軍政府令

特任陳炯明爲廣東省長兼粵軍總司令管理廣東軍務全省所屬陸海各軍均歸節制調遣此令



中華民國九年十一月

一日

軍政府公報

命令

十二月四日

光字第一號

(三)

三

軍政府令

海軍部長兼海軍第一艦隊司令林葆懌著免去本職各職此令



中華民國九年十一月

一日

軍政府令

特任湯廷光爲海軍部長此令



中華民國九年十一月

一日

軍政府令

任命林永謨爲海軍第一艦隊司令此令



中華民國九年十二月

一日

軍政府令

特任林永謨署海軍總司令此令

軍政府印

中華民國九年十一月 一日

軍政府令

任命廖仲愷爲廣東財政廳長此令

中華民國
軍政府印

中華民國九年十一月 四日

軍政府令

任命鄒魯爲廣東政務廳長此令

中華民國
軍政府印

中華民國九年十一月四日

軍政府令

特任林支字爲湖南省長此令



中華民國九年十一月

二十九日

軍政府令

特任趙恒惕爲湖南各軍總司令管理全省軍務此令



中華民國九年十一月

二十九日

軍政府令

軍政府新刊印信一顆文曰中華民國軍政府印已於本年十二月一日啟用所有從前之軍政府印即行廢止此令



中華民國九年十二月

一日

軍政府令

自本年三月二十九日起至十一月二十八日止在廣州假託軍政府政務會議名義所發之偽令及所屬之一切行動概屬無效此令



中華民國九年十二月

一日

軍政府公報

命令

十二月四日

光字第一號

(七)五

軍政府公報

命令

十二月四日

修字第一號

(八)

布告

四總裁第一次宣言

九年六月三日

自政務總裁不足法定人數而廣州無政府自參眾兩院同時他徙而廣州無國會雖其殘餘之衆濫用名義呼囂倡然豈能掩盡天下耳目即使極其詐術與暴力所至亦終不出於兩廣而兩廣人民之心理初不因此而淹沒況雲南貴州四川固隨靖國聯軍總司令爲進止閩南湘南湘西陝西各處護法區域亦守義而弗渝以理以勢皆明白如此固知護法團體決不因一二人之搆亂而渙散也慨自政務會議成立以來徒因地點在廣州遂爲一二人所把持論戰則惟知擁兵通敵論和則惟知攘利分肥以秘密濟其私以專擅逞其欲遂有所謂五條辦法者護法宗旨久已爲所犧牲猶且假護法之名行害民之實烟苗遍地賭館滿街吮人民之膏血以飽騎兵悍將之欲軍行所至淫掠焚殺鄉里爲墟非惟國法所不容直人心所不容文等辱與同列委曲周旋冀得一當而終於忍無可忍夫豈得已惟既受國民付託之重自當同心戮力掃除危難貫徹主張茲已共同決議移設軍府紹儀當受任議和總代表之始以人心厭亂外患孔殷爲永久平和計對北方提出和議八條尤以宣布密約及聲明軍事協定自始無效爲要義今繼續任務俟北方答復相度進行廷芳兼長外交財政去粵之際所餘關款妥爲管理以充正當用途其未收者亦當妥爲交涉文與繼堯倡率將士共濟艱難苟有利於國家惟力是視謹共同宣

言自今以後西南護法各省區各軍仍屬軍政府之共同組織對於北方繼續言和仍以上海爲議和地點由議和總代表準備開議其廣州現在假託名義之機關已自外於軍政府其一切命令行動及與北方私行接洽之事並抵押借款概屬無效所有西南鹽餘及關餘各款均應交於本軍政府在軍政府移設未完備以前一切事宜委託議和總代表分別接洽辦理希北方接受此宣言後瞭然於西南公意所在庶續和議庶幾國難救平大局早日解決文等不勝厚望惟我友邦及國人共鑒之孫文唐紹儀伍廷芳唐繼堯

四總裁第二次宣言

九年七月二十八日

西南義師之起原以護法救國爲職志故無論南北苟與護法救國主義相容者友之苟與護法救國主義相反者仇之此文等所以有六月三日之宣言冀國民與友邦了然於是非邪正之所在也宣言書發表後北方通電贊成者祇有段祺瑞及其部曲等而段祺瑞濫日答覆宣言之電悔禍之心露於言表文等本以護法救國爲標的故和議條件注重於取銷中日二十一條及宣布民國六年六月十二日非法命令之無效在和議未廢續前須先宣布廢止中日軍事協定以示決心始有和之可言於是北京邊防處遂有決定廢止中日軍事協定之寒電而對於二十一條之廢止亦有承認之表示由是言之彼方既有改變外交政策不計後此利害之決心則和議當然有續開之期乃北方內訌由是而起合法和議爲之頓挫文等特本國民公意用再宣言無論北方內訌如何結束無論當局者爲何派何人惟我西南護

法救國主張必始終貫徹北方果有希望統一誠意必須首先廢止中日軍事協定并有宣布廢止中日二十一條之表示然後和議乃可展續而國本乃不至動搖倘有違背護法救國主張復假借名義以謀個人權利者不問南北不問派別當與國民共誅之特此宣言孫文唐紹儀伍廷芳唐繼堯

四總裁第三次宣言

九年十月二十二日

粵軍回粵兩月以來全省九十餘縣爲粵軍收復及響應附義者計逾八十就省會言如車歪炮台中流砥柱等要塞著華所在之西關一帶河南全島及海防江防全數盤踞均隸粵軍範圍莫榮新困守老城資嵎抗拒岑陸計窮力蹙懼失地靈先後派遣代表早夜晉京促簽條件卑鄙齷齪搖尾乞憐殆欲趁此在粵生機垂盡之時求與北方訂約冀得現在或今後之援助以事實論岑陸匪特不能代表西南廣東一省已十九爲粵軍所有以法理論七總裁缺其四廣州已無軍政府岑陸私人簽訂之條件直等廢紙絕對不生效力倘或北方不察貿然與簽固不能拘束西南亦且貽笑中外文等護法救國矢志靡他酷愛和平豈在人後北方果誠意謀和不僅圖紙上空文之統一則固不必與秘密勾結暮夜乞憐之輩訂定條件應將一切法律事實問題付之過上和會公開解決迭經文等鄭重宣言邦人君子其共鑒之孫文唐紹儀伍廷芳唐繼堯

四總裁第四次宣言

九年十月三十一日

窃文等當以南北播爭數年海內困苦而友邦勸告亦望早息兵爭文等夙愛和平因而與北方開誠相見企外交法律一切問題得正當之解決蓋西南興師所以護法救亡非有個人權利之見故和會公開將示天下無所私隱中雖一度議無結果然和會正式之機關併未廢止文等亦既於六月三日七月二十八日十月二十三日再三宣言通告中外以爲北方苟有誠意謀和決無有捨正式公開之和會而與一二不負責任之人私相勾結認爲得當之理最近粵軍回粵岑莫敗亡乃相率逃竄之餘輒爲取消自主之說其情可憐其事可笑初不意北方竟引爲口實遽聞有僞統一之宣布似此舉動過於滑稽兒戲直無否認之價值惟深察北方之用意實思以僞統一之名義希圖借取外債以延長其非法政府之命脉文等用不憚煩更爲正式宣告須知岑春煊早喪失地位資格而軍政府依然存在初不因岑等個人反覆致生問題此次北方宣言文等絕不承認內而國民外面友邦勿爲所欺北方既毫無誠意而用此種狡猾無聊之手段使大局更起糾紛殆有所在爲此通告中外知之孫文唐紹儀伍廷芳唐繼堯

四總裁第五次宣言

十二月一日

文等前因北方軍閥設法禍國乃在粵建立護法政府中經奸人撓亂致阻進行茲則障礙既除建設伊始謹爲宣言以告國人曰民國成立於茲九年矣以袁世凱稱帝繼以督軍團叛國張勳復辟禍亂相尋建設事業百未一舉今當以護法諸省爲基礎勵行地方自治普及平民教育利便交通發展實業統籌

民食刷新吏治整理財政廢督裁兵進國家於富強謀社會之康樂共和政治民爲主體同力協作有厚望焉孫文唐紹儀伍廷芳唐繼堯

軍政府佈告

本軍政府於十一月二十九日在廣州重開政務會議繼續執行職務特此佈告
中華民國九年十二月一日

軍政府佈告

十二月一日軍政府令自本年三月一十九日起至十一月二十八日止在廣州假託軍政府政務會議名義所發之偽令及所爲之一切行動概屬無效此令特此佈告
中華民國九年十二月一日